

刺絡編

台州園隨筆之二

全

Ogino
5689 US
28YX

刺絡編序

夫醫道好生之具周官
之守也經絡骨髓陰陽表
裡賅而存焉箴砭石湯火所
施百藥八減之宜齋和之
得不得者豈有他哉猶慈
石取鍼於已取之而已矣拙

者失理以瘡為劇以生為死
是則可恤也荻君予元以
醫著北陸移京師其家翁
世受方為小兒醫之門多疾
屢滿戶外矣予元慨然自
許務廣其業名其家嘗曰
吾不能如扁鵲受異人書

顧惟神農黃帝岐伯伊
尹仲景之言具在即其人
已矣吾第從輪扁求之乃
眩筮編續諸書夜以繼日
既聞不學易無以知陰陽
則從博士家受易不學物
產無以辨藥石則從某處

學物產聞某子甲善鍼砭
則就而受業某氏聞哉
前奧良筑主吐法其術傾
郡則就受業良筑良筑
得子元大驚請割荒知
以南聽子矣又聞和蘭
善刺絡則每歲從和蘭入

貢受刺銘和蘭西洋遠國
其言侏離其書旁行唯依
傳譯而譯者率進孰於我
竟不能得和蘭要領也辟
若以坤輿圖察四海相去不
過毫釐尾而間獨數百里視
之若易行之甚難是子元

所以眩之為急也。酒織譯長
某氏某氏輒奉牛酒交驩
譯長手使口授以至進乎技
者數十條錄而成編後之說
刺絡蓋自此始所謂窮河
源睹昆崙也哉。予元益自
喜請得鄙言取徵狂夫故

余述其勤動以復
秋君趣刊行焉

明和庚寅夏四月

伊勢高道昂謹



巖雄達者肥人也雄達典

俱師事吉雄子學

紅毛瘍醫術余聞其亦傳紅毛刺絡事旁見其亦著
記畧洽經論惜哉斷錦屑玉未見一匹之美亦孰肯舍
諸遂演繹之作紅毛鍼書嗣後

就余學疾醫

事旦夕相見又聞其亦傳間有小異同持以質之吉
雄子則出西書詳悉其事淄澠方分疑沮頓解曰
採之所勝裁新所聞較諸經說徵諸患人累稔
易稿又作刺絡編獨以為得經旨卷末顯效案若干
則以備考證古人云獨智難周如其不逮後識者
是歲明和庚寅仲春秋元凱再識

刺絡編 台州園隨筆之二

日本

北陸

荻元凱子元著

余每讀鍼經至取奇邪在血絡之說未嘗不慨然歎
 刺絡不講俾一豎闌入膏肓也蓋血絡者血之所緣
 以流氣之所緣以通潛行皮肉間浮見於大表巨者
 如箸細者如鍼絡繹九竅綢繆百骸靡所不遍焉其
 衛護於人身內之筋骨外之經絡四維殊塗而同歸
 樞之所管機之所繫中外奚擇焉鬱邪之為害處筋
 骨則深處經絡則淺舍而不療迄裊梯已成如火燎

原不可嚮。邇淺深奚擇。焉經之論之職。此之由其說切而翔實。善罄其情。曲唯灑與術。彼此隱見。俱不精覈。後世徒是羊存弊梗。不行說無所駕。傳失其統。則刺絡之方。幾乎拂地。人不知其所嚮。若遇其證。藥治而不為反。為之辭。詭言於是乎。出怪說於是乎。興斯道愈徑。庭如堅白之昧。言雖善辨。抵物則盤終。益於疾矣。余居恒謂對脉有易醫之證。而弗瘳。索諸內而不可尋。諸外而不及。百療不中。獨何也。非吾拙而人能人亦難。此則非吾與人均之拙也。然則果不可

起之疾耶。抑治術有子遺而不知其方也。何則。瞽者非蹙蹙而不行者。爲不見也。聾者非喑啞而不會者。爲不聞也。不奮不行。非彼所不能。以有不備於己者也。苟灋方不備。望爲其疾。假使扁倉復起。末如之何已。故利手巧目。不如拙規矩。謂灋方也。況抱凡庸材而遺其方。欲使疾疴起。誠難於使跛涉險哉。當今之世。業醫者何弗思索經旨。而取絡邪於絡。却攻諸他之爲。猶之緣木求魚。不得其所。不亦然乎。余雖不敏。私矜卹世。有非命而殤者。覃思焦神。學刺絡之方。而

慣習日淺。適操斯術而臨之。動眩其血多。懾怖先之。
疑殆是萌。百慮蜂午。不敢恣意下鍼。蹇澀彌年。然至
如彈鼻治矇。刺膈已瘡。去血過多。則疾辟亦速。於是
乎復信斯術。不可措而委地也。孜孜汲汲。索其秘蘊。
涵泳其間。久之。值紅夷聘。武中便見譯司吉雄。櫛
林二子。聞紅夷能此術。因就聽之。私視其所為。精該
審諦。退而省之。與經論不忒。間起其未發。闡其未盡。
經肯綮。探膏肓。操術之妙。頗出人意外。所謂道之所
存。雖蠻貊之邦。何陋之有。古昔聖哲之後。或分處徼

塞外裔流極博古漢傳彼蓋有由哉研覆多年血脉
麤拆游鍼隨意所見未嘗見無邪之絡得手應心結
解壅決鮮復有過矣顧是言也信者謂發古之緒蘊
乎不信者謂首作偏平學者三年謂不齒乎屠龍技
是余之志也作刺絡編

統論

血絡者血之道路也猶地有川瀆水由之流血由之
行利則滲營四體鬱則決溢沆濫瘀爲衄血化爲腐
水害不可勝殫焉若一處鬱結而塞則百骸皆不利

其鬱於絡脉非鍼放發之何除之有經曰菀陳則除之又曰血實者決之皆謂去血絡也夫取血絡者應
眛魚沿肘中其脉青者爲寒爲痛赤者爲熱黑而盛
者爲痺乍赤乍青乍黑者爲寒熱病則而寫之庶幾
乎所謂瘀也者不行其與精血俱流行而不見者何
也猶之壅滯隨水勢乎欲其擿發之牢縛四肢令氣
在其處則陰血周作張脉僨興瘀所居之處必自見
焉既見則刺而取之經曰實則寫之虛則補之必先
去其血脉而後調之古之人戚戚焉責絡非經輸之

比也。何則？血易實也。叔世道鍼者，但怯去血多，忽拚血絡，獨取經穴，猶邇舍江水而遠鑿井也。徒勞于益矣。夫人身之血，內聚自有源，如泉之不涸，疏則隨而湧，若泉不湧，不疏亦復涸耳。當斯時，鍼灸湯熨之將何益矣？故原始計實本，其所結知其所壅鑿而疏之，通利泉脈，以防 Water 害功在禹下者乎？擬議失機，悔而不及。但老者血氣已衰，少者血氣未壯，壅溢絕少，勿誤戕無辜而殤天年，無止則輕刺乎。

血絡

西書書名失曷貴的曰絡脉有二道一名訶兒亞垵

兒訶兒譯空虛猶言氣亞垵兒又言亞獨兒譯筋猶言絡脉下皆倣此出肘中下廉細

如鍼是為通氣之道總主頭中疾刺之血不多出一

名蒲兒烏篤亞垵兒蒲兒烏篤又言四表大絡巨如

箸是為血行之道原皆發于心藏依於骨髓布散上

下達于指端其支派者言訶烏孚篤亞垵兒訶烏孚篤譯頭

上絡頭項下出于肘中上廉與里孚兒亞垵兒里孚兒譯

肝也會于尺澤前入于合谷又與嬰筋方行沿于頰

車是言斯祿贊哥亞垵兒斯祿贊哥譯又別夾下頰

食道猶言胃

中靠眼大背之絡言阿鶴孚鳥孤亞埵兒阿鶴譯眼

緣猶言循主赤眼疼痛者又循下匯于咽中外廉之

絡曰委陽總取太陽病逾于内踝散于大指言孚鳥

篤訶鳥孚篤亞埵兒孚鳥篤其沿于小指之絡言姥

鳥獨兒亞埵兒姥鳥獨兒譯母言此絡支此絡多支

別餘波入于諸絡又環魄門者言斯歇姥亞埵兒歇斯

姥譯蜘蛛言肚門穢積之形主胸痺鬱滯肛門疼痛

及女子不月產難又舌下夾柱之絡言吉吉訶兒斯

亞埵兒吉吉訶兒斯譯蝦蟆言以舌下之絡似蝦外

列各編

腎大絡言留辣哥祿字亞埵兒哥祿字譯陰莖大皆可刺

而出血文詳見各條下又有奢細泥烏筋原發于

泥丸傳于骨節沿于藏府下通精道內有白汁如乳

漣即精髓也誤刺洩髓則令骨痿與筋相戾又經脉

言鶴祿普亞埵兒陰絡言瞥舌姥並與血絡殊塗

然姑舉其類欲來哲觸而長之

論血

血絡之行上下無定處與其支派者交散如垂楊橫

邪本發於胸腹出于四支散于指端人人有小異道

路不一同善脈其盛而堅張而濁緊有結者而寫之牢朋如按弦者爲濁血柔軟如按葱者精血也大概肥人多汁少血腴者反之女子多血男兒不如可豫圖其多寡撮其要領刺令適宜若有羨不足却遺之害凡血氣俱盛而陰氣多者血滑刺之則射衄血先出精血隨之奔逆之間嘗之試之宜辨精瘀色味以知病情由西書曰血淡而微鹹者爲虛家濃而大鹹者爲實家滑濁而微酸者爲濕鹹而微辛者爲熱色黯味澀爲有大熱凡血色紫黯而無氣爲衄血鮮

絳有臊臭。乃精血宜認此為紀綱刺之。唯傍流不能
 射其絡盛而勁黑而濁。乃陽氣畜積者也。屢刺竟飛
 逆若久不寫血。滋稽留發為痺。為懈惰為徧癢。或刺
 之有血出。汁別其人肥胖而絡沈。故有宿水也。久則
 為腫為癧。或新飲而液未合。和於血者亦汁別也。又
 有其汁淖澤如脂者。乃濁血所化成也。凡壯人取血
 以重得百錢。若百二十錢為率。濁血一合重凡百錢許勿誤過
 損精血。經曰補寫無過其度。但毒劇者不在其列。取
 至四五百錢亦不妨。衄盡而止。能察證之虛實度。毒

之多寡當刺之證而刺之苟有過令人益不信夫不信不可行也豈可不慎哉

達鬱

經云經脉十二絡脉十五絡有陰陽陽絡行皮表陰絡行皮裏陽絡浮絡即血脉也見而血者取而瀉之經之取之必由絡脉苟如於絡莫不取之地者然概論據之唯趣其詔恐泥矣必眠人之盛衰毒之緩急參伍相照而後應從事於此若彼動脉及失榮委中毒等濫加鍼不死即危矣扁鵲曰不知脉理之媵血

氣之分妄刺而無益於疾傷肌膚而已矣。今之用鍼鮮過者，倖也。衆人不得其職，宜矣哉。所謂絡有十五，隨經之位置而設之，名要其本一也。所謂眠血者，取之則於其刺之不可強合於絡之部分也。明矣。扁鵲曰：攻於腠理，絕邪氣，故癰疽不得成形，不翅據絡已。隨鬱之所在，逆而取之，所謂鬱之所在，未必由於絡。則所以於刺無定處，亦可知也。諸擁腫風毒等，其尤著者也。頃余療木舌，從灑刺舌柱之絡，血不出，眠舌上血者，取而瘳之。又有人病眼灑，取太陽陽明，余刺

大椎之傍多瘰之類皆就其毒而刺之已自非讀素靈明經絡輪穴而臨事焉知刺之臧否哉

鍼目

凡用鍼以鈹鍼為佳紅夷言蘭奢贊姐是也俗訛言蘭奢

姐ト有大小數品可以刺諸癰腫血脉所用不一彼取

大膿自有專科且措不議夫除血脉肌膚將綿纏鍼

露鋒分許以中指抵住鍼頭可定意而刺之直發勿

欹斜恐鍼口大開難斂收近紅夷齋來斯捏贊普兒


者乃機鍼也內設機巧臨用發樞鍼鋒逆射直入皮

裏勢如鳥銃外有程準淺深隨意莫有過傷之失而
疵痛之患亦可時用但三稜鍼瘡開作人字有難收
之敝余爲制一鍼如韭葉樣者以換之以管爲率彈
而取之屢試勝三稜鍼之絕矣亦可與鈹鍼錯用又
有三稜縫鍼本爲金創設之亦可以挑發小毒也夫
擇鍼之方銳利淡淡焉經物而物不疾刺肌而肌不
覺迺可將用知痛則氣併焉恐毒難除郭右陶諸人
云鐵有毒宜用銀間有用銀鍼者蓋銀柔鈍人不禁
其疾孰與其銀而痛鐵之不痛也余故用鐵鍼恒未


見其為害也昔扁鵲治虢太子使子陽厲鍼蓋鐵鍼也。未聞以銀造之也。寧織鋒之微。安論毒之有無。唯

要毒之易除耳。


鉞 圖



機 圖



三稜 縫 圖



韭葉 鍼 圖



刺 瀆

列 各 編

治 州 國 版

凡刺血絡男子取諸上女子取諸下爲順雖然不可
甚滯執焉但趣毒之所着而取之其臨取之預備石
膽礬石及蔓連三黃等應不虞之物以資緩急而將
綿布緊扎刺處上際竊執鍼手裏宿定其分先令病
人口含冷水視覬意外移定意刺之勿置慮其間凡
入鍼分許爲率初學之士臨刺之際疑心未免下鍼
必淺不及要處若刺血不出勿更刺之怯家見紛紜
之狀必讐而失氣血止而後吐水若血未止先吐亦
脫氣恐致顛眩夫所以初含水者爲防其皇皇脫氣

也。但壯人不含亦可。所謂刺淺不抵絡則血不出。深刺貫絡則肉傷血不止。橫刺絕絡縱刺剖絡則難斂口也。宜側鍼逆而取之。今有以三稜鍼彈而取之。未可爲經典。夫絡內空虛鍼自易下。彈勢割然深沒間有過傷之失。用鍼者豈可不致慮焉。余效紅毛刺絡。瀆輒用鈹鍼百無一失。但欲刺際捷敏而次序端正。嘈然狼動四坐。雜沓標本難相得。毒終不除也。

刺變

眠血脉之盛而刺之。血虛者脫氣小而短者少氣少。

氣與脫氣微則昏悶劇則仆不得言宜急令坐之若

扛就問室而將息弗復者以水濕面漬足不可又將

蠻製硃砂鼻之硃砂紅毛撒兒邊諸失血家瀉皆

同此又刺有血難出者疳腫而核起強刺則煩惋以

氣先行也有初血逆出幾頓止者為氣併也有蒼

蒼然色脫者為精氣俱亡也宜急停之與煮茶一口

又有當血出之際胸腹懊懣嘔嘔欲吐者將昏悶之

兆也急弛縛綿解見下項可依瀼止血唯痺者精氣俱有

餘縱令血多出而不害矣然痺有虛有實宜審詳求

之勿敢輕取之。又有血出至一二升者，後必暴熱昏悶而死。衲不旋踵，急與撒灑，即濃煎湯，若可挽回。若血脉伏而不露者，以手緊擦，必在懸陽。若垂手顫，一如鳥搏，乃緊縛，則盛張牢，取其有結處而寫之。若誤刺動脈，上血出不止，微則血盡肉斲而死，亦不可濟也。三黃瀉心湯主之。方見金匱要畧夫刺變無常態，學者宜觸類長之。

刺禁

血絡致鍼，必先察其形氣，審其要害，能說其情，彼是

相得必應刺而刺之苟心裏有一點疑慮者勿刺雖形盛氣怯者勿刺動脈與溜脈勿刺脈度急數者勿刺腰脊勿刺外有微熱者勿刺氣逆上衝者勿刺諸亡血虛家勿刺癢痺有水氣者勿刺新醉新飽新驚怒者勿刺形氣復常更審乃刺之陰晦寒冷勿刺血不多出諸病屬於內者勿刺雖刺難及諸貴豪家縱使信已勿容易出乎口不啻側目恐反疏焉況塗人乎刺絡之難行其如此哉夫鍼之與灸其施諸人身至於傷體膚刺焮何擇焉然於其爲用各自不同經

曰絡滿經虛灸陰刺陽經滿絡虛刺陰灸陽刺炳殊
 塗豈翅霄壤乎然一槩信灸而不信鍼者獨何也得
 非以眼不常馴視之故耶夫灸炳之失害不頓發鍼
 則得失即見是以人不知灸之有害却畏見血不亦
 惑乎當今之士僅窺一斑於全豹持膚淺術臨不測
 疾以爲眼中莫不可刺之人不亦耳食者乎貽禍無
 窮豈不憫哉故余謂疾必不可刺也亦不可無刺也
 只能反覆素靈透參晚近至紙爛革絕始可與言鍼
 已矣

刺尺中瀆寸口後至肘言尺

允刺尺中令患人憑胡牀是為正法但眠尺中有血

者將縛綿緊札肘後寸所綿布長二尺四寸濶一尺

綿下言縛綿者皆徼此近海船攜來薦兒溼結貫手

薦者可紮定四肢及頸項亦便具也罔見于後

伏滿握杖而用力絡脉皆張醫以左手逆按其絡抵

血結處乃加鍼未遑舉鍼濁血輒逆出豫備磁器接

受之磁宜白磁以量血數令患家手裏運轉其杖血

便易出數足欲停止則解縛綿放杖令力弛即止因

以拇指捺瘡痕令併鍼口以壓綿浸苦酒以壓定鍼

處。

綿布方二寸，摺為四疊，酢浸，壓此以縛綿，更纏縛之。

緩急適宜。戒手晬時即愈。西書曰：訶烏孚篤亞垵兒

主頭面膊臑之疾。里孚兒亞垵兒主肩背疼痛振蹕

難屈伸。或云欲多取血，須刺兩脈會處。余按紅夷直視其瀦耳，只可

就血而取之焉。

主病血實于上。頭疼如春，微有間斷。連日不瘥，微者

目將矇，或齒牙疼痛，緣嬰筋連肩，或血為痰併膊臂

痠痛，手重不舉，痺而不伸，肩胛壅滯，內外療之不瘥

者，雖絡脉不張，亦可取。壯年咳血吐血不止，上盛而

口甘者可取頭面生瘡。遠年不愈。痼為頑結。外無寒熱。發之不散。下之。益者。卒病氣急喘滿。憊不知事。癰癧振顫者。中河豚毒。情味不遑與藥者。瘰癧俠癭。成形未潰。若潰者。皆可刺。而後與劑。白屑疥癬。同灑耳聾。非上實不通。目盲不帶痛。不明。並勿刺。

刺手背灑

西書手背之絡。名斯祿。贊哥亞。堙兒。前所謂與嬰刺。筋方行者也。灑與尺中同。

西書云癩之為疾由


主病癩。證喜悲無常者。婦人姪娘。惡阻者。並主之。

脾胃諸病
及心肺
上焦病也

尺中

刺際


圖



絡脉

刺痕

圖



刺後

綿縛

圖




篤兒

捏結

背篤

圖



刺臆中瀆 附脚上諸處

凡刺臆中令患人平立雙手倚壁雙脚挺直血脉易張。眠其有血者將縛綿緊繫膝上寸所而刺之。槩如刺尺瀆。但臆內踝上令坐而舒脚。乃取之。夫委中臆內踝上大絡所過。血易壅塞。有為疊積。是為血實。取之。害。跌上布絡。勿容易刺之。血不出為腫。

主病腰股引痛。足不輕舉。或攣急難取步。或痘癩熱毒甚者。至見點之間。除之。臆中。婦人不月產難。脛時腫痛。或足心煩熱者。或卒暴諸癘。及中喝。口禁。不知。

人等疾皆取諸絡有血者。臙瘡梅毒痼聚於一處。或頑癬癢痛不可禁者。隨處取之。姓婦勿刺脚刺脚則墮胎。

脚部背
面血絡
圖



側面
血絡
圖



委中刺
後綿縛
圖



脛脚
刺後
綿縛
圖



以綿布兩條
更互錯縛之

刺少商瀝

少商穴在手大指端內側去爪甲韭葉許白肉之際
 將細線緊繫大指橫紋處以韭葉鍼彈而取之此穴
 能洩鬱熱

主病纏喉風痺單雙乳蛾諸治不得驗者顛額懸癰
 驚癇卒倒昏不識人者並皆主之

大敦穴在足大指端聚毛中去爪甲韭葉許刺瀝同
 前

主病顏疝畢大疼痛發熱者雀眼瞽後矇者疳瘡痛
 甚者心腹卒痛汗出者並主之

刺額上瀆


西書額上血絡名謁捺亞天訶烏兒謨見於正額其
支別者分於項後出於兩角其刺之令患者將縛綿
纏喉下手自紮定緩急適宜令氣息內絡脉即張因
輕輕點刺之血止傍流不奔逆也諸刺頭面瀆皆倣
此若非大毒不以縛綿亦可

主病頭腦重痛大熱譫語或氣結鬱悶狀如癩證發
作有時情態不一者取之於額之兩岐赤眼疼痛兩
角重痛者取之於兩角若偏痛者取之於偏

又循眼內背之絡言阿鶴孚烏孤亞埤兒亦可微刺之。然非血竇絡起者勿刺。經云溜脉是也。

主病眼赤焮痛胥肉遮睛羞明不仰視者。主之又有爛臉以抓鍼瀝取之。臉內下項見。

頭面血絡圖



刺後綿縛圖



刺鼻中瀆

鼻中於睛明下取之其澹堰取稗稽剪爲寸半令端
尖將彈鼻中血出如濺預備磁器接受之怯家勿令
見血恐顛

主病赤眼連額腫痛不可禁或及腦苦痛者主之

刺舌下澹

舌下左右挾柱之絡是言吉吉訶兒斯亞埵兒有疾

應刺之證其絡必盛橋舌取之鍼宜以鈹鍼韭菜鍼

輕輕微刺之血若不止口含嚴酢頻漱若摻龍骨礬

石等亦佳

主病咽喉腫痛及舌瘡木舌重舌腫脹滿口等證並
 主之又言語不正者取之舌柱又卒死雖九候已絕
 天樞有動者以三稜縫鍼可刺舌心間有蘇者
 刺外腎灑

外腎取血將細線繫定莖根紛紜之間脉絡勃如見
 其僨興而取之一如刺舌灑

主病疔毒為瘡腫痛難禁及無故莖張大者主之
 抓鍼灑

疥癬臙瘡等浸淫毒在皮膚者乘其發癢斜執鉞鍼

輕輕抓瘡上縱橫出血而傅膏藥若此數回以瘰爲
度經曰癢者陽也淺刺之是之謂也設令毒劇壅湊
而堅者深刺取之不成形而已若已膿化舐其能熟
鑿而取之

螞蟥澣

凡用螞蟥不熱不啞故先摩挲其處極令焯焯熱將
竹筒盛馬螞合之俟其咬啞乃徹筒候血滿腹中剪
刀截尾則血從其處涓涓滴出毒盡將除以鹽點其
口委肅即脫此澣與鍼不相涉然抵取血則一也亦

可施於難刺之地也。又有吸毒石。蠻名斯蘭能與蟻
蓋斯閩印 鍼相似。但真物絕少。極難得耳。

角灑

角毒取之。擇鍼。鍼非葉。鍼刺破患處。取綿花。若樟腦
着之。硝子中。而放火。急合刺。上火氣。吸血。其狀玲瓏
洞見於外。視血止。按其傍。奪而脫之。又毒擁於皮裏。
不表見於外。隱匿為害者。初不用鍼。先角患處。則毒
之所潛。必浮見於表。胝其所在。而刺之。更角之。則血
易去。且無徒傷之失也。紅夷是言。傍篤烏姐。又有奢

質通捺亞兒獨其灑於大椎上橫刺貫馬尾傳貼枯
藥出臭水治之主目疾頭痛一切上逆疾

主病瘀血結聚肌膚紫黯動作不便者隨處取之赤
眼疼痛羞明艱澀肩胛壅重者並取於項下兩肩後
又可取諸瘡瘍

効案

京師車屋街有丹後屋某者曾患肩膊連痛手重不
舉作事妨悶數年也適值于紅夷東聘就治於吉
雄子公刺訶烏孚篤亞埤兒奪血二合餘所患頓除

不復發云。

加州關門卒年過強仕病患頭疼怏怏無虛日劇則
嘔不下食四肢厥逆遂眼生翳膜不得覩物於十步
陰晦殊甚艱澀涉百業已十年靡醫巫不已怨銀錢
浪廢心已含灰然為有妻孥移疾更役於京邸就治
於余台州之園閱其血絡徃徃結為珠子余曰疾本
屬飲家血瘀亦不虧先攘其標而本次之乃刺尺澤
上取血二合許血未止疾除大半翌旦眠之已除十
八九因服藥二旬所患總愈經曰先去血脉而後調

之是之謂也哉。

京極街有美濃屋某者。其婢年向半百。二月始覺股脚隱隱微痛。嗣後稍甚。起坐不便。傭物而後行。因循至于五月。投治於余。眠之孚烏篤訶烏孚篤之絡疊重。從委中沿膝下。因去血一合許。試令起。則能起。令行。則能行。縱橫一隨意。不日而復故。云。

所云丹後屋某之妻。宿患齒痛。及其發呻呼動隣人。一日劇發。作請治。因刺訶烏孚篤亞埵兒。去血百有餘錢。痛楚與血俱除。又有肩背癱滯。如負重之患。亦

隨而瘳。是謂一舉兩得乎。

余頻年病雁來瘡。脛脚糜爛。已及陰股。癢痛無恒。先期而發。後期而瘳。終少無事。行步蹣跚。受平原唾者。不稀也。籍藥治之。力雖毒輒避。舍厭然復還。巧能窘我。頗罷術計。末何之。如最後得抓鍼。灑乘其發。癢鍼抓破瘡處。去血許多。癢止痛發。則貼膏油。若是數回。內服解毒藥。尤慎行步。浹辰全愈。不復假籃輦。步履無恙。云三條烏街有永樂屋某者。癬毒發腰。漫衍至脊中。亦以此灑治之。

家婢二人一時同病眼努肉四合翳障漠漠不敢開
腫痛難禁熱淚交下及夜諸證轉甚診之脉證俱實
因內與涼膈加減方外於項下以角瀆取血再三疼
痛隨除翳障漸散不日眼中無纖塵如青天見白日
較之前日眼光更明二婢相尋而已

浪華有醫高島氏者澤孝井之故舊也宿爲飲家往
年感寒之後卒致肘靠肩外疼痛不能屈伸舉之不
可過乳反之不可及贅側則痛激仰卧纔就眠百療
皆不利更醫三四毫無効焉適余與孝井遊于浪華

請診就而眠之血絡怒張肩背沿腕累累結如豆是
 為血實經云血實決之不刺不瘳遂刺訶烏孚篤亞
 埤兒分許濁血與鍼齊飛迸家人懾悚旁言嘖嘖孝
 井云勿怖疾之去也頃血止則痛亦止不俟時日反
 側無害屈伸如意數年痼疾一朝而除經云病猶結
 乎雖久猶可解也誠哉此言也

御幸街五條坊門有玉屋某者一日暴發熱頭疼如
 錐兩日夜乃熱漸解眼復腫痛珠如注朱羞明瞶時
 避在暗處不敢與人接語語則痛劇唯號呼耳招介

請治就而診之六脉洪數熱皆湊眼殆乎將盲勢非
藥治之所能及也急作稽鍼以彈鼻中左右各一瘡
血下如濺朱膜隨而消猶雲霧從風冉冉散清盧漸
明頭目爽然少選之間血復從上弦下倏忽滿目皆
赤不能開因更彈之內與翳黃散以洩上鬱如是七
八日所苦卒除但目眵少澀痛耳因以膏油土之攝
養將息乃愈

江州草津驛農夫之女歲十有九病右膝老然髀腫
痠疼枯削形如鶴膝父母不忍見醫療幾傾產終不

效寸効荏苒已二三年艱苦轉加去年四月遇紅夷

西歸塗過其驛因私肥人請治於西醫醫名楊曷蘭

鳥醫曰行路倉卒非謀治之所可共京館宿息以診

恙狀既到于京師醫詳其病由以為瘀血結聚之所

致也以譯傳之不月果三秋未見滴血也因設水一

盆令女架脚於其上以機鍼刺內踝前中封旁即孚

評鳥孚篤去血一合許以棗實煎湯熨蒸膝以下試

令起而取步疾已除半內與藥脂方別以鴉辣髮亞

煎湯下鴉辣髮亞譯白大期明日而去其夜余攬舌

黃此物能下蓄血

人小川某與西醫接語言及其疾語見余隨筆中翌
夜女復來又去血合許且與前藥乃囑曰服盡此藥
厥疾必瘳但宜慎攝養恐異日變爲勞瘵爾後杳不
聞其愈否

醜醜農夫之妻分娩後左脚疼重不能行一日余應
他之招診疾其地因請視之狀如草津驛之女然較
之良輕毒未痼僻唯太陰之絡債與因刺委中一痛
去血幾二百錢而愈婦舊有目疾亦從而已所謂一
處達鬱百骸皆利豈不信哉

明和巳丑之春吉雄子介紅夷聘於武中先期五

六日暴憎寒壯熱身體疼痛煩躁且昏連進麻黃青

龍葦苟無寸効寒熱依然諸證轉加衆醫失所措而

驪駒臨門親戚胥謀曰期期不可愆將以人代之公

曰斯役安不努力乃刺尺中一瘡去血合許寒熱頓

解飲食知味恙狀良安遂悛事云余親聞之於京客

舍經云風病巨鍼取之是謂之乎余徒山玄暢者感

寒汗出而熱難解以爲邪在血脉自取委中去血亦

愈

東山智恩精舍之側有中村某者其兒三歲夏五卒
直視上竄牙關緊閉四肢蹙逆忙遽邀余臨其門兒
已逝矣親戚環而啼醫巫狼狽不知所措余詳診之
見兩脚有青紫筋片片如斷雲所謂落弓痧也可放
而已心計既決謂曰無深憂乃刺十疔許各出紫血
肉與丸藥輕吐涎沫兒惕然而驚遽然而啼狀若欲
乳者舉家揚揚喜溢眉於是更與赤豆五物冷湯子
母俱服一旬而復故

四條堀川上有一孀婦歲四十強氣瘳發少陽堅硬

膺腫形如蝦蟇稀膿常瀝痛亦不甚發則毒逆湊頭
 腦中潰亂臭水如濺困苦二年為請治於余余令田
 子行先刺訶烏孚篤亞埤兒去血合許而灸焯之膏
 油之內投解毒化痰藥既而瘡口斂結核消毒不復
 上騰一日由大怒核復焮腫乃施此瀉而愈

陸奧 木村恒德子慎父

門人 長崎 督坐 同校

長崎 林 鼎子亨父

刺絡編終

跋

昇平之世民飲德澤有餘於文恥學

歐蘓於醫賤慣李朱邇泗往昔遵

循舊訓台道之盛今斯時為然吾

秋先生嘗嘆刺絡之喪世或不知也崑

據素雷正考變法論次研尋作刺

絡編興疾疾於癢餘躋人暉春之

甚望彼微頻早之徒不知刺有法度證有

當否濫執鍼陰疾甚者有瞽者行之
何以辨形色豈不嘆乎然使人不知
刺有法證有當而不能也適先生此
書成余受而讀之法明說確以範四
方使人鮮過則不仁政之一助乎哉
是所請先生以公于世也

陸奧 木恒德謹識



Handwritten text in black ink, possibly a signature or a date, located in the bottom left corner of the page.

54652280

